

UPRAVA DRUŠTVA

Broj: U.D.-01.-04.-1535/25

Sarajevo, 21.01.2025 godine

Na osnovu člana 45. Statuta, člana 70. stav (3) Zakona o javnim nabavkama BiH, i člana 18. stav (3) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za nabavku sredstava za rad na šalteru broj: 07.4-11-9- 17437-37/23 SL od 13.01.2025.godine, Uprava Društva na 69.sjednici održanoj dana 21.01.2025.godine, d o n o s i:

## O D L U K U

### o izboru najpovoljnijeg ponuđača u postupku nabavke sredstava za rad na šalteru

I

Ovom Odlukom vrši se izbor najpovoljnijeg ponuđača „R&S“ d.o.o. Sarajevo, Igmanska bb, 71320 Vogošća, BiH, u postupku nabavke sredstava za rad na šalteru, sa **ukupnom vrijednošću ugovora od 295.913,20 KM bez PDV-a, odnosno ukupnu vrijednost ugovora od 346.218,45 KM sa uračunatim PDV-om.**

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji način su poslani. Dokazi koji se zahtijevaju moraju biti originali ili ovjerene kopije.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.


## O B R A Z L O Ž E N J E

Na osnovu Odluke o pokretanju postupka javne nabavke robe: Nabavka sredstava za rad na šalteru broj: U.D.-01-04-18626/23 od 23.11.2023. godine i Rješenja Generalnog direktora o imenovanju komisije za provođenje postupka nabavke robe: Nabavka sredstava za rad na šalteru broj: 01-11-9- 17437-6/23 od 27.11.2023.godine, Zaključka Uprave Društva, br. U.D.-01-04-3676/24.2.17. od 22.02.2024.godine, Komisija je provela ponovljeni otvoreni postupak za dostavu ponuda, broj: 238-1-1-188-3-203 od 09.12.2024.godine na Portalu JN.

Javno otvaranje ponuda u postupku predmetne nabavke održano je dana 06.01.2025.godine u 10:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br.8, o čemu je sačinjen poseban Zapisnik o otvaranju ponuda broj: 07.4-11-9-17437-36/24 SL koji je sastavni dio ovog Izvještaja. Zapisnik sa otvaranja ponuda je poslan učesnicima putem e-maila na adresu: [sbosarajevo@sbo.ba](mailto:sbosarajevo@sbo.ba) i [jn3@ris.ba](mailto:jn3@ris.ba).

Na Protokol Društva do roka određenog za prijem ponuda (06.01.2025.godine do 10:00 sati), pristigle su ponude slijedećih ponuđača:

1. „SALON BANKARSKJE OPREME“ d.o.o. Sarajevo, Džemala Bijedića 18, 71000 Sarajevo, BiH
2. „R&S“ d.o.o. Sarajevo, Igmanska b.b., 71320 Vogošća, BiH





Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

1. Ponuda ponuđača „**SALON BANKARSKE OPREME**“ d.o.o. Sarajevo, Džemala Bijedića 18, 71000 Sarajevo, BiH, broj: 01-02/BHP/24-1 od 06.01.2025.godine, sa ukupnom vrijednosti ponude, bez uračunatog PDV-a u iznosu od **295.505,00 KM**, ne ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno–pravno, ekonomski i tehnički **neprihvatljiva za ugovorni organ i ne može biti predmet vrednovanja prema član 2. i član 68. Stav (1) i stav (4) alineja i) i j)** Zakona o javnim nabavkama (Službeni glasnik BiH br. 39/14 i 59/22) zbog slijedeće činjenice:
  - „Ponuda je dokument koji podnosi ponuditelj, pri čemu nudi isporuku robe, pružanje usluge ili izvođenje radova, pod uvjetima koje određuje ugovorno tijelo u tenderskoj dokumentaciji. Ponuda može biti:
    - 2) **neprihvatljiva** – čija cijena premašuje planirana odnosno osigurana novčana sredstva ugovornog tijela za nabavu ili ponuda ponuditelja koji ne ispunjava kriterije za kvalifikaciju gospodarskog subjekta;“

#### Obrazloženje:

Ugovorni organ je propisao uslove i dokaze za tehničku i profesionalnu sposobnost tačkom 7.3 TD, kako slijedi:


7.3.1. Što se tiče tehničke i profesionalne sposobnosti, ponuđači trebaju ispuniti slijedeće minimalne uslove a koji se mogu potvrditi sa dokazima iz člana 48 i 49. Zakona a to su:

- a) Da je ovlašteni distributer ili prodavač predmetne opreme (ovaj uslov se ne odnosi na stavku 4. UV lampa i stavku 7. Kalkulatori sa trakom),

7.3.2. Ocjena tehničke i profesionalne sposobnosti ponuđača iz tačke 7.3.1. će se izvršiti na osnovu dokaza:

- a) **Spisak izvršenih Ugovora o isporučenim robama koje su predmet nabavke u posljednje 3 (tri) godine računajući od datuma za otvaranje ponuda odnosno početka poslovanja, ako je ponuđač registrovan, odnosno počeo da radi prije manje od tri godine, koji sadrži najmanje jedan ugovor čija ukupna vrijednost iznosi najmanje 150.000,00 KM bez uračunatog PDV-a.**

**Uz spisak izvršenih Ugovora ponuđač je dužan dostaviti minimlano jednu potvrdu u gore navedenom iznosu, koja je u vezi sa spiskom isporučenih roba, a koju daje druga Ugovorna strana o njihovoj realizaciji, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.** U slučaju da se takva potvrda iz objektivnih razloga ne može dobiti od ogovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; Dokazi koji se dostavljaju moraju biti originali ili ovjerene kopije;





- b) Ovlaštenje za prodaju predmetne opreme na području Bosne i Hercegovine izdato od strane proizvođača opreme ili ovlaštenog zastupnika. (Ovaj uslov se ne odnosi na stavku 4. UV lampa i stavku 7. Kalkulatori sa trakom).

Za stavku 5. Univerzalna elektronska vaga, ponuđač je dužan dostaviti i Izjavu od strane proizvođača opreme u kojoj će se navesti da je ponuđena oprema novoprodukcijom (minimalna godina proizvodnje 2024.), nekorisćena, te da ima osiguran servis na teritoriji BiH pod garantnim uslovima proizvođača. Izjava izdata od strane proizvođača opreme mora biti naslovljena konkretno na Ponuđača koji će dostaviti ponudu, sa navođenjem broja i naziva javne nabavke.

**Za stavku pod rednim brojem 5. Aneks 3 TD - Univerzalne elektronske vage, Dostavljene Izjave na strani 91 do 95 ponude nisu izjave proizvođača ponuđenih proizvoda METTLER TOLEDO, nego izjave od TAS-komerc d.o.o. Brčko, a što je u suprotnosti sa propisanim uslovom u tački 7.3.2. pod b) tenderske dokumentacije u predmetnom postupku javne nabavke.**

Iz dostavljenih tehničkih listova vidljiva su određena neslaganja u odnosu na zahtijevane tehničke karakteristike i tehničkih karakteristika ponuđenih proizvoda, odnosno ponuđena sredstva za rad na šalteru ne ispunjavaju sve tehničke karakteristike propisane TD i to:

#### **Mašina za brojanje papirnog novca**

- Iz dostavljene dokumentacije, na strani 67 i 68 ponude, ne vidi se da ponuđena mašina ispunjava traženi uslov da posjeduje : UV, MG, MT i IR detekciju. Iz priložene dokumentacije je vidljivo da sadrži UV, MG, IR detekciju, ali se ne vidi da ima i MT detekciju.

#### **Mašina za brojanje i sortiranje metalnog novca**

- Tehničkom specifikacijom za stavku 2. ANEKS 3 TD - zahtijevano je da kapacitet spremnika iznosi minimalno 18.000 kovanica, a ponuđeni model RIBAQ HCS 3300 ima kapacitet spremnika 12.000 kovanica

2. Ponuda ponuđača „**R&S**“ d.o.o. Sarajevo, Igmanska b.b., 71320 Vogošća, BiH, broj: 45100/24 od 03.01.2025.godine, sa ukupnom vrijednosti ponude, bez uračunatog PDV-a u iznosu od **295.913,20 KM** ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno–pravno, ekonomski i tehnički prihvatljiva za ugovorni organ.

Ugovorni organ je za predmetnu nabavku predvidio provođenje e-aukcije, ali s obzirom na to da je pristigla jedna prihvatljiva ponuda te cijeneći Pravilnik o uslovima i načinu korištenja e-aukcije član 3. stav 3, Ugovorni organ neće zakazivati e-aukciju već će nabavku okončati u skladu sa članom 69. Zakona.

Na osnovu svega gore navedenog utvrđena je konačna rang lista ponuđača koji su ispunili kvalifikacione uslove i to kako slijedi:



Red. br.	Naziv ponuđača	Ukupna cijena ponude bez PDV-a, (KM)
1.	„R&S“ d.o.o. Sarajevo, Igmanska b.b., 71320 Vogošća, BiH, broj: 45100/24 od 03.01.2025.godine	295.913,20 KM

Obzirom da ponuda ponuđača „R&S“ d.o.o. Sarajevo u potpunosti odgovara traženim tehničkim zahtjevima ugovornog organa tj. da ovaj ponuđač ispunjava sve formalno-pravne, tehničke i ekonomske uslove tj. zahtjeve ugovornog organa, odnosno da je njegova ponuda prihvatljiva za ugovorni organ, ugovorni organ donosi Odluku o izboru najpovoljnijeg ponuđača u postupku javne nabavke **robe: sredstava za rad na šalteru** sa ukupnom vrijednošću ugovora od 295.913,20 KM bez PDV-a, odnosno ukupnu vrijednost ugovora od 346.218,45 KM sa uračunatim PDV-om.

Cijeneći navedeno donesena je odluka kao u dispozitivu.

**PRAVNA POUKA:** Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.



GENERALNI DIREKTOR  
*Adis Šehić*  
Adis Šehić, dipl.ing.saob.

Dostaviti:

- Sektor za poštanski promet (Nosilac posla)
- Marketingu ( za objavu)
- Sektoru za EKF poslove
- Odjeljenju za Javne nabavke
- Ponuđačima putem Odjeljenja za javne nabavke
- Arhivi U.D.
- a/a

